

彊邛叢書



水雲詞目錄

滿江紅

金人捧露盤

琴調相思引

長相思

傳言玉女

好事近

洞仙歌

鶯囀序

六州歌頭

水龍吟

望江南

卜算子

滿江紅二

一翦梅

惜分飛

唐多令

鷓鴣天

眼兒媚

憶王孫

鳳鸞雙舞

柳梢青

九

水雲晴日綠

柳梢青

柳梢青

柳梢青

柳梢青

柳梢青

柳梢青

柳梢青

柳梢青

柳梢青

柳梢青

柳梢青

金人解纜

金人解纜

金人解纜

金人解纜

金人解纜

金人解纜

金人解纜

金人解纜

金人解纜

金人解纜

金人解纜

水雲詞

錢塘 汪元量 大有

滿江紅 吳江秋夜

一箇蘭舟雙桂槳順流東去但滿目銀光萬頃淒其風
露漁火已歸鴻雁汊權歌更在鴛鴦浦漸夜深蘆葉冷
颼颼臨平路吹鐵笛鳴金鼓絲玉膾傾香醕且浩歌
痛飲藕花深處秋水長天迷遠望曉風殘月空凝竚問
人閒今夕是何年清如許

金人捧露盤 越州越王臺

越山雲越江水越王臺箇中景儘可徘徊淩高放目使
人胸次共崔嵬黃鸝紫燕報春晚勸我銜杯古時事

今時淚前人喜後人哀正醉裏歌管成灰新愁舊恨一時分付與潮回鷓鴣啼歇夕陽去滿地風埃

琴調相思引越上賞花

曉拂菱花巧畫眉猩羅新翦作春衣恐春歸去無處看花枝已恨東風成去客更教飛燕舞些時惜花人醉頭上插花歸

長相思越上寄雪江

吳山深越山深空谷佳人金玉音有誰知此心夜沈沈漏沈沈閒卻梅花一曲琴月高松竹林

傳言玉女錢塘元夕

一片風流今夕與誰同樂月臺花館慨塵埃漠漠豪華

蕩盡只有青山如洛錢塘依舊潮生潮落
萬點燈光
羞照舞鈿歌箔玉梅消瘦恨東皇命薄
昭君淚流手撚琵琶絃索離愁聊寄畫樓哀角

好事近 浙江樓聞笛

獨倚浙江樓滿耳怨笳哀笛猶有梨園聲在念那人天
北海棠顚顚怯春寒風雨怎禁得回首華清池畔渺
露蕪煙荻

洞仙歌 毘陵趙府兵後僧多占作佛屋

西園春暮亂草迷行路風卷殘花墮紅雨念舊巢燕子
飛傍誰家斜陽外長笛一聲今古繁華流水去舞歇
歌沈忍見遺鈿種香土漸橘樹方生桑枝纔長都付與

沙門爲主便關防不放貴游來又突兀梯空梵王宮宇
鶯囀序重過金陵

金陵故都最好有朱樓迢遞嗟倦客又此憑高檻外已
少佳致更落盡梨花飛盡楊花春也成憔悴問青山三
國英雄六朝奇偉 麥甸葵丘荒臺敗壘鹿豕銜枯薺
□□正潮打孤城寂寞斜陽影裏聽樓頭哀笳怨角未
把酒愁心先醉漸夜深月滿秦淮煙籠寒水 悽悽慘
慘冷冷清清鐙火渡頭市慨商女不知興廢隔江猶唱
庭花餘音疊疊傷心千古淚痕如洗烏衣巷口青蕪路
認依稀王謝舊鄰里臨春結綺可憐紅粉成灰蕭索白
楊風起 因思疇昔鐵索千尋謾沈江底揮羽扇障西

塵便好角巾私第清談到底成何事回首新亭風景今
如此楚囚對泣何時已歎人閒今古真兒戲東風歲歲
還來吹入鍾山幾重□翠

六州歌頭江都

綠蕪城上懷古恨依依淮山碎江波逝昔人非今人悲
惆悵隋天子錦帆裏環朱履叢香綺展旌旗盪漣漪擊
鼓搥金擁瓊璈玉吹恣意游嬉斜日暉暉亂鶯嘯銷
魂此際君臣醉貔貅弊事如飛山河墜煙塵起風淒淒
雨霏霏草木皆垂淚家國棄竟忘歸笙歌地歡娛地盡
荒畦惟有當時皓月依然挂楊柳青枝聽隄邊漁叟一
笛醉中吹興廢誰知

水龍吟淮河舟中夜聞宮人琴聲

鼓鞀驚破霓裳海棠亭北多風雨歌闌酒罷玉唳金泣
此行良苦駝背模糊馬頭匝市朝朝暮暮自都門燕別
龍艘錦纜空載得春歸去日斷東南半壁悵長淮已
非吾土受降城下草如霜白淒涼酸楚粉陣紅圍夜深
人靜誰賓誰主對漁燈一點羈□一搦譜琴中語

望江南幽州九日

官舍悄坐到月西斜永夜角聲悲自語客心愁破正思
家南北各天涯腸斷裂搔首一長嗟綺席象牀寒玉
枕美人何處醉黃花和淚撚琵琶

卜算子河南送妓移居河西

我向河南來伊向河西去客裏相逢只片時無計留伊
住去住總由伊莫把眉頭聚安得并州快剪刀割斷
相思路

滿江紅

和王昭儀韻

天上人家醉王母蟠桃春色被午夜漏聲催箭曉光侵
闕花覆千官鸞閣外香浮九鼎龍樓側恨黑風吹雨溼
霓裳歌聲歇人去後書應絕腸斷處心難說更那堪
杜宇滿山唳血事去空流東汴水愁來不見西湖月有
誰知海上泣嬋娟菱花缺

王昭儀詞云太液芙蓉渾不
似舊時顏色曾記得春風雨

露玉樓金闕名播蘭簪妃后裏
聲鞞鼓揭天來繁華歇

龍虎散風雲絕無限事憑誰
說對山河百二淚沾襟血

車曉碾關山月願娉娥垂顧肯相
容從圓缺

又吳山

一霎浮雲都掩盡日無光色遙望處浮圖對峙梵王新
闕燕子自飛關北外楊花閒度樓西側慨金鞍玉勒早
朝人經年歇昭君去空愁絕文姬去難言說想琵琶
哀怨淚流成血蝴蝶夢中千種恨杜鵑聲裏三更月最
無情鴻雁自南飛音書缺

一翦梅懷舊

十年愁眼淚巴巴今日思家明日思家一團燕月照窗
紗樓上胡笳塞上胡笳玉人勸我酌流霞急撚琵琶
緩撚琵琶一從別後各天涯欲寄梅花莫寄梅花
惜分飛歌樓別客

燕子留君君欲去征馬頻嘶不住握手空相覷淚珠成
縷眉峰聚恨入金徽孤鳳語愁得文君更苦今夜西
窗雨斷腸能賦江南句

唐多令

吳江中秋

莎草被長洲吳江拍岸流憶故家西北高樓十載客窗
憔悴損搔短鬢獨悲秋人在塞邊頭斷鴻書寄不記
當年一片閒愁舞罷羽衣塵滿面誰伴我廣寒游

鷓鴣天

潏灩湖光綠正肥蘇隄十里柳絲垂輕便燕子低低舞
小巧鶯兒恰恰啼花似錦酒成池對花對酒兩相宜
水邊莫話長安事且請卿卿喫蛤蜊

眼兒媚

記得年時賞荼蘼蝴蝶滿園飛一雙寶馬兩行簫管月下扶歸而今寂寞人何處脈脈淚沾衣空房獨守風穿簾子雨隔窗兒

憶王孫集句數首甚婉婉情至可觀

漢家宮闕動高秋人自傷心水自流今日清明獨上樓恨悠悠白盡梨園子弟頭

又

吳王此地有樓臺風雨誰知長綠苔半醉閒吟獨自來小徘徊惟見江流去不回

又

長安不見使人愁
物換星移幾度秋
一自佳人墜玉樓
莫淹留
遠別秦城萬里游

又

陣前金甲受降時
園客爭偷御果枝
白髮宮娃不解悲
理征衣
一片春帆帶雨飛

又

鷓鴣飛上越王臺
燒接黃雲慘不開
有客新從趙地回
轉堪哀
巖畔古碑空綠苔

又

離宮別苑草萋萋
對此如何不淚垂
滿檻山川漾落暉
昔人非
惟有年年秋雁飛

又

上陽宮裏斷腸時
春半如秋意轉迷
獨坐紗窗刺繡遲
淚沾衣不見人歸
見燕歸

又

華清宮樹不勝秋
雲物淒涼拂曙流
七夕何人望斗牛
一登樓水遠山長
步步愁

又

五陵無樹起秋風
千里黃雲與斷蓬
人物蕭條市井空
思無窮惟有青山
似洛中

鳳鸞雙舞

慈元殿薰風寶鼎
歆香雲飄墜環立
翠羽雙歌麗調舞

腰新束舞纓新綴金蓮步輕搖彩鳳兒翩翩作戲便似
月裏仙娥謫來人間天上一番遊戲聖人樂意任樂
部箛韶聲沸衆妃歡也漸調笑微醉競奉霞觴深深願
聖母壽如松桂迢遞更萬年千歲

柳梢青湖上和徐雪江

見永樂大典

濫濫平湖雙雙畫槳小小般兒嫋嫋珠歌翩翩翠舞續
續彈絲山南山北游口看十里荷花未歸緩引臺觴
箇人未醉要我吟詩

